



Број: **01/2а-**
Sarajevo, 2.3.2016.

**ORIJENTACIONI PLAN RADA
KOMISIJE ZA VANJSKE POSLOVE
PREDSTAVNIČKOG DOMA PSBIH
ZA 2016.GODINU**

Sarajevo, mart 2016.

PLAN RADA

UVOD

Osnovni cilj rada Komisije za vanjske poslove Predstavničkog doma (u daljnjem tekstu: Komisija) jeste da osigura kvalitetnu pripremu rada i što bolje i efikasnije funkcioniranje Predstavničkog doma, a time i Parlamentarne skupštine BiH, provođenjem općih opredjeljenja zacrtanih Ustavom BiH i Dejtonskim mirovnim sporazumom te politikom koju su utvrdili Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Predstavničkog doma PSBiH unutar države i njenim međunarodnim obavezama.

Djelokrug Komisije određen je članom 45. Poslovnika Predstavničkog doma PSBiH prema kojem:

(1) Komisija za vanjske poslove:

- a) prati vođenje vanjske politike Predsjedništva BiH i Vijeća ministara BiH;
- b) razmatra pitanja saradnje Bosne i Hercegovine s Ujedinjenim narodima i međunarodnom zajednicom;
- c) razmatra pitanja međuparlamentarne saradnje s odgovarajućim komisijama parlamenata drugih zemalja;
- d) razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- e) razmatra pitanja rada institucija BiH, nadležnih za pitanja vanjskih poslova i međunarodnih odnosa;
- f) razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- g) razmatra pitanja davanja i otkazivanja saglasnosti za ratifikaciju međunarodnih ugovora, sporazuma i konvencija.

(2) Komisija razmatra i druga pitanja iz oblasti međunarodnih odnosa i vanjskih poslova.

Obaveza izrade i dostavljanja Orijentacionog plana rada za sve komisije predviđena je članom 65. stav (2) Poslovnika Predstavničkog doma.

Kao prioritete u Programu rada Predstavničkog doma, a u domenu nadležnosti Komisije za vanjske poslove, predlažemo:

- blagovremeno donošenje zakona predviđeno dinamikom rada institucija Bosne i Hercegovine za 2016. godinu;
- blagovremeno razmatranje zahtjeva za davanje saglasnosti za ratificiranje i otkazivanje međunarodnih sporazuma;
- blagovremno razmatranje izvještaja o radu i drugih materijala dostavljenih od institucija Bosne i Hercegovine;
- praćenje aktivnosti nadležnih institucija u procesu realizacije obaveza preuzetih potpisivanjem Sporazuma o stabilizaciji i pridruživanju, u dijelu nadležnosti Komisije;
- izvršavanje obaveza u međunarodnim i regionalnim organizacijama, u bilateralnim odnosima, obaveza Parlamentarne skupštine BiH prema drugim parlamentima, te drugih obaveza predviđenih za ovu godinu;
- praćenje ostalih aktivnosti institucija Bosne i Hercegovine u domenu vanjske politike.

Ovaj orijentacioni plan rada sačinjen je na osnovu Prijedloga programa rada Vijeća ministara BiH za 2016. godinu, te na osnovu odredbi pojedinih zakona kojima se regulira dostavljanje godišnjih izvještaja o radu institucija BiH Parlamentarnoj skupštini BiH.

Najviše aktivnosti Komisije odnosi se na razmatranje materijala dostavljenih od drugih institucija, a u skladu s nadležnostima Komisije i zaduženjima Kolegija Predstavničkog doma PSBiH. Stoga je za uspješnu realizaciju Plana rada od ključnog značaja blagovremeno dostavljanje materijala, prije svega, od Vijeća ministara BiH i Predsjedništva BiH, ali i svih drugih nadležnih institucija.

PLAN RADA

a) Zakonodavna aktivnost

1. Prijedlog zakona o zaključivanju i izvršavanju međunarodnih ugovora, predlagač: Ministarstvo vanjskih poslova BiH -Vijeće ministara BiH (planirani kvartal za provođenje: prvi);
2. Prijedlog zakona o uslovima pod kojima strani državljani mogu glasati na teritoriji BiH (planirani kvartal za provođenje: treći);

b) Ostale aktivnosti

- Priprema i usvajanje Izvještaja o radu Komisije za 2015. godinu;
- Priprema i usvajanje Orijentacionog radnog plana Komisije za 2016. godinu;
- razmatranje Izvještaja o radu Ministarstva vanjskih poslova BiH u 2015. godini u okviru Izvještaja o radu Vijeća ministara BiH u 2015. godini;
- razmatranje Plana rada Ministarstva vanjskih poslova BiH u 2016. godini u okviru Programa rada Vijeća ministara BiH za 2016. godinu;
- Razmatranje informacije o stanju u Ministarstvu vanjskih poslova BiH (sjedište);
- Razmatranje informacije Ministarstva vanjskih poslova BiH o stanju u diplomatsko-konzularnoj mreži (DKP) BiH, s posebnim osvrtom na diplomatske aktivnosti;

U 2016. godini Komisija će nastaviti i sljedeće aktivnosti iz njenog djelokruga, i to:

- razmatranje davanja i otkazivanja saglasnosti za ratifikaciju međunarodnih sporazuma i ugovora kako budu stizali u parlamentarnu proceduru i dostavljanje izvještaja Predstavničkom domu, i to kako slijedi iz Programa rada Vijeća ministara BiH za 2016. godinu;
- održavanje narednih sastanaka (do sada održano šest) predsjedavajućih i članova komisija za vanjske poslove zemalja Jugoistočne Evrope (Bosne i Hercegovine, Hrvatske, Srbije, Crne Gore te Makedonije) u 2016. godini;
- razmatranje izvještaja o rezultatima posjete delegacija Parlamentarne skupštine BiH u okviru međunarodnih aktivnosti koji budu dostavljeni Komisiji;
- razmatranje prijedloga i inicijativa državnih tijela, međunarodnih organizacija i nadležnih tijela drugih zemalja za različite oblike parlamentarnih aktivnosti i međuparlamentarne saradnje kao i razmjena bilateralnih posjeta komisija za vanjske poslove;
- prijem novoimenovanih ambasadora BiH kao i stranih ambasadora akreditiranih u Bosni i Hercegovini;
- razmatranje prijedloga i inicijativa međunarodnih organizacija (Organizacija za sigurnost i saradnju u Evropi (OSCE), Parlamentarna skupština Vijeća Evrope (PSVE), Parlamentarna skupština Centralnoevropske inicijative (CEI), Interparlamentarna unija (IPU), Parlamentarna skupština Mediterana (PAM)), te organizacija civilnog društva za različite oblike saradnje;
- analiziranje stanja regionalne saradnje, na osnovu izvještaja s regionalnih konferencija održanih tokom godine (Regionalno vijeće za saradnju (RCC), Proces saradnje u Jugoistočnoj Evropi (SEECP), Igmanska inicijativa);

- razmatranje informacije Predsjedništva BiH o vođenju vanjske politike BiH (član 45. stav (1) tačka a) Poslovnika Predstavničkog doma Parlamentarne skupštine BiH);
- praćenje ispunjavanja postprijemnih obaveza BiH prema Vijeću Evrope, te rada Delegacije PSBiH u Parlamentarnoj skupštini Vijeća Evrope.

ZAKLJUČAK

Plan rada za 2016. godinu dat je okvirno, prema očekivanim aktivnostima na nivou BiH i u skladu s potrebom za koordinacijom s drugim nadležnim organima.

Rokovi za razmatranje materijala zavisiće od prijema materijala od institucija koje ih upućuju i zaduženja od Kolegija Predstavničkog doma, odnosno Zajedničkog kolegija oba doma.

Nove obaveze koje se mogu pojaviti, a koje nisu predviđene ovim planom, bit će blagovremeno u njega uvrštene odnosno razmatrane.

PREDSJEDAVAJUĆA KOMISIJE
Dušanka Majkić